



UNIVERSITÄTS-
BIBLIOTHEK
PADERBORN

SANCTI|| IOANNIS|| DAMASCENI OPERA,||

Johannes <Damascenus>

Parisiis, 1577

De vita honesta, & moribus bonis, & obedientia: & quòd, nobis probè
atque honestè viuentibus, Deus gloria afficitur, & colitur. cap. xxxiiii.

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)

A *clesiaste, Noli esse iustus multum.*
 Quamlibet ad breue tempus irasci quispiam videatur: tamen, si id animi commotione victus facit, stultus est.

Submota lenitate continentiam ne comprobes. Nam quisquis ita cibo ac potu abstinet, Euagrii. Ut interim tamen temere in iram prorumpat, hic naui mare sulcanti non absimilis est, ac Simue. gubernatorem demonem habenti.

De fiducia & autoritate: & quibus modis hæ res acquiruntur.

CAP. XXXIII.

B **A**UTHORITATEM sermonibus tribuit principium iustitiæ. *Pro.*
 Si cor nostrum non reprehenderit nos, fiduciam habemus ad Deum: *1. Io. 3.*
 & quicquid petierimus, accipiemus ab eo: quoniam mandata eius custodimus, & ea quæ placita sunt coram eo, facimus.

Cum quispiam ita moribus comparatus fuerit, ut à nemine carpi possit, tum, quanta incertis cum autoritate voluerit, eos omnes, quibus præest, vel pœna afficere, vel liberare poterit.

De vita honesta, & moribus bonis, & obedientia: & quòd, nobis probè atque honestè viuentibus, Deus gloria afficitur, & colitur.

CAP. XXXIIII.



PARVIT Dominus Abrahamæ, & dixit ei: Ego Deus tuus *Gen. 17.*
 sum. Ambula coram me, & esto perfectus.

Facito quòd bonum & placitum est coram Domino: ut bene tibi sit.

Nūquid vult Dominus holocausta & victimas, & non potius ut obediatur voci Dñi? Melior est enim obedientia, quàm victima, & auscultare, magis quàm offerre adipem arietum. *1. Reg. 15.*

D Domine, quis habitabit in tabernaculo tuo, &c? Quis ascendet in montem Domini? aut quis stabit in loco sancto eius? Venite, filij, audite me: timorem Domini docebo vos. Beati immaculati in via, qui ambulant in lege Domini. *Pf. 14. 23. 33. 118.*

Oculi tui recta videant: & palpebræ tuæ præcedant gressus tuos. Prouide bona coram Deo & hominibus. Qui ambulat immaculatè in iustitia, beatos filios relinquet. *Pro. 4.*

Derelinquam in medio tui populum pauperem & egenum. & timebunt à facie Domini. Reliquiæ Israël non facient iniquitatem, nec loquentur mendacium, & non inuenietur in ore eorum lingua dolosa. *Soph. 3.*

E Quis poterit habitare de vobis cum igne deuorante? quis habitabit ex vobis cum ardoribus sempiternis? Qui ambulat in iustitiis, & loquitur veritatem, qui proicit auaritiã ex calumnia, & excutit manus suas ab omni munere, qui obturat aures suas ne audiat sanguinem, & claudit oculos suos ne videat malum: iste in excelsis habitabit, munimenta saxorum sublimitas eius. *Esa. 33.*

Vir, qui hominem non contristauerit, pignus debitori reddiderit, per vim nihil rapuerit, panem suum esurienti dederit, & nudum operuerit vestimento, ad vsuram non commodauerit, & amplius non acceperit, ab iniquitate auerterit manum suam, & iudicia verum fecerit inter virum & virum, in præceptis meis ambulauerit, & iudicia mea custodierit, & faciat veritatem: hic iustus est, vita viuet, ait Dominus. *Ezech. 18.*

Senectus venerabilis est, non diuturna, neque annorum numero computata. *Sap. 4.*

- Canis autem sunt sensus hominis: & ætas senectutis vita immaculata.
- Mat. 5.* Audistis quia dictum est antiquis, Oculum pro oculo, & dentem pro dente. Ego autem dico vobis, non resistere malo: sed si quis te percusserit in dexteram maxillam tuam, præbe illi & alteram: & ei qui vult tecum iudicio contendere, & tunicam tuam tollere, dimitte ei & pallium: & quicumque te angariaverit mille passus, vade cum illo alia duo. Qui petit à te, da ei: & volenti mutare à te, ne auertaris. Audistis quia dictum est, Diliges proximum tuum, & odio habebis inimicum tuum. Ego autem dico vobis, Diligite inimicos vestros, benefacite his, qui oderunt vos: & orate pro persequentibus & calumniantibus vos: ut sitis filij Patris vestri, qui in caelis est, qui Solem suum oriri facit super bonos & malos, & pluit super iustos & iniustos.
- Ibid.* Vos estis lux mundi. Non potest ciuitas abscondi supra montem posita, neque accendunt lucernam, & ponunt eam sub modio, sed super candelabrum, ut luceat omnibus qui in domo sunt. Sic luceat lux vestra coram hominibus, ut videant opera vestra bona, & glorificent patrem vestrum qui in caelis est.
- Rom. 12.* Providentes bona, non tantum coram Deo, sed etiam coram hominibus.
- 13.* Sicut in die honestè ambulemus: non in comestationibus & ebrietatibus, non in cubilibus & impudiciis, non in contentione, & emulatione: sed induimini Dominum nostrum Iesum Christum: & carnis curam ne feceritis in desiderijs.
- 1. Cor. 10.* Siue manducatis, siue bibitis, siue aliud quid facitis, omnia in gloriam Dei facite. Sine offensione estote Iudæis & Gentibus, & Ecclesiæ Dei.
- Ephes. 5.* Videte quomodo cautè ambuletis, non quasi insipientes, sed ut sapientes, redimentes tempus, quia dies mali sunt. Propterea nolite fieri imprudentes, sed intelligentes quæ sit voluntas Dei.
- Iac. 3.* Quis sapiens & disciplinatus inter vos? Ostendat ex bona conuersatione operationem suam in mansuetudine sapientiæ.
- 1. Pet. 2.* Conuersationem vestram inter Gentes habentes bonam: ut in eo quod detrahant de vobis, tanquam de malefactoribus, ex bonis operibus vos considerantes, glorificent Deum in die visitationis. Si patrem inuocatis eum, qui sine acceptione personarum iudicat secundum vniuersiusque opus, in timore, incolatus vestri tempore conuersamini.

Sixti. Fieri non potest, ut qui spiam secundum Deum viuat, nisi temperanter ac iuste omnia faciat.

Bona est virtutis ac beneficentiæ merces.

Basilij. Homini bus quidem ex sermonum amplificatione conflatantur encomia. At iis, qui iustitia præditi sunt, ad eximiam virtutis eorum magnitudinem indicandam sufficit rerum ab ipsis gestarum veritas.

Disce, homo, euangelicam vitæ rationem, oculorum accuratam compressionem, linguæ continentiam, corporis subactionem, animi summisionem, mentis puritatem, iræ extinctionionem. Angariatus, æqui bonique consule: vexatus, tolera: conuictus lace situs, ora.

Naz. de laud. Heron. Nobilitatem dico, non quam plerique existimant, absit: non nostrum est eam admirari: ac ne philosophi quidem, ut potè quæ à fabulis & sepulcris, supercilioque iam pridem putrido profisciscatur: sed quam pietas vitæque sanctimonia, ascensuque ad primarium illud bonum, ex quo originem traximus, exculpit.

Orat. in plag. grædi. Non qui sermonum sibi scientiam comparauit, hic protinus apud me est sapiens, nec qui volubilem quidem ac versatilem linguam habet, ceterum imperitum animum, illis utique sepulcris non absimilis, quæ quamuis externa pulchritudine & elegantia niteant, interne tamen cadaueribus scatent, multumque foetorem tegunt. Verum is demum mihi sapiens videtur, qui pauca quidem de virtute verba facit, ceterum actionibus ipsis multa demonstrat, vitæque integritate orationi fidem autoritatemque conciliat. Præstantior meo quidem iudicio existimanda est pulchritudo ea, quæ oculis cernitur, quam quæ sermonis penicillo pingitur: & diuitiæ, quas manibus tenemus, quam quas somnij errore nobis fingimus.

& sa-

A *Et sapientia, quæ operibus indicatur, quàm quæ verbis splendescit. Intellectus enim, inquit ille, bonus omnibus facientibus eum: non autem duntaxat prædicantibus.*

Suos, herosque vita sola facit.

In Tert.

Bonorum omnium hoc caput est, ut per meam vitam Dei nomen celebretur. Id me enim, inquit, dominationis tuæ nomen inuocatum sanctificetur. Ut videant, inquit Christus, homines opera vestra bona, & glorificent patrem vestrum, qui in cælis est.

Mar. 5.

Vita sermone potentior est, & mores verbis, & operum documentum sermonum doctrina. Apostolorum tempestate non sola miracula homines ad fidem alliciebant: sed ante miracula, vita.

Chrys.

B *Nos qui intellectuale ac spirituale sacrificium obimus, ad suauitatis odorem omne probitatis ac lenitatis genus offerre iubemur, fidem, spem, charitatem, iustitiam, continentiam, obedientiam, ac morigerum animum, perpetuas diuini nominis celebrationes, reliquasque virtutes. Hoc enim sacrificium à materia remotissimum est, ac proinde materiae experti Deo congruens: ac spiritualis fragrantia munera, sunt veræ probitatis mores.*

Cyrilli.

In vniuersum Christianus solitudinis ac secessionis, & tranquillitatis atque pacis amicus est.

Clement.

Is qui veram vitam amplexus est, non modò victus, sed etiam sermonis vilitati studere debet.

Philonis.

Præstantioribus subiici vtile est.

C *De vita reprehendenda: & de inobedientibus, & contumacibus, ac versutis, improbisque moribus præditis.*

C A P. XXXV.



IOBLIQUE ad me ambulaueritis, ambulabo & ego vobis. cum in ira obliqua: & percutiam vos pro peccatis vestris.

Leuit. 26.

Qui immutat concilia versutorum: & non facient manus ipsorum verum.

Iob. 12.

Disperdet Dominus vniuersa labia dolosa. Os tuum abundauit malitia: & lingua tua concinnabat dolos. Viri sanguinum & dolosi non dimidiabunt dies suos. Domine libera animam meam à labiis iniquis, & à lingua dolosa. A viro iniquo & doloso eripe me.

Ps. 11. 49.

Viri 54.

Domine 108.

D *Peruersum cor fabricatur mala: in omni tempore qui eiusmodi est, tumultus excitat ciuitati. Propterea repente veniet ei perditio: quia delectatur omnibus rebus, quas Deus odit. Abominatio Domino viæ peruersæ. Eò quòd exosam habuerint disciplinam, & timorem Domini, nec acquieuerint consilio meo, & detraxerint vniuersæ correctioni meæ. Comedent igitur fructus viæ suæ: suisque consiliis saturabuntur. Homo stultus & flagitiosus graditur viis peruersis, annuit oculis, terit pede, digito loquitur. Gubernant impij dolos. Sermones impiorum dolosi. Non consequetur dolosus quod captat. Anima dolosorum oberrant in peccatis: & filio doloso nullum erit bonum. Peruersus in ore suo fert exitium suum. Vir peruersus transmittit mala, & separat amicos. Ad peruersos peruersas vias mittet Dominus. Tribuli & laquei in viis peruersis: qui autem custodit animam suam, abstinebit ab eis. Qui graditur per vias obliquas, iis implicabitur.*

Pro.

1.

6.

22.

Apropinquat ad me populus iste ore suo, & labiis suis glorificat me: cor autem eius longè est à me.

Esa. 29.

Populo huic factum est cor contumax & inobediens.

Hier. 5.

Hæc dicit Dominus Deus, Qui audit, audiat, & qui inobediens est, inobediens sit: quia domus exasperans est. Et erit ipsis tanquam vox psalterij. Audient verba, & non intelligent ea.

Ezech. 3.

Peruersæ cogitationes separant à Deo. In maleuolam animam non intrabit sapientia. Sanctus enim Spiritus sapientiæ effugiet fictum.

Sap. 1.